

**ZAKON O FEDERALNIM MINISTARSTVIMA I DRUGIM TIJELIMA FEDERALNE UPRAVE**

- neslužbeni prečišćeni tekst -

<b>I - OSNOVNE ODREDBE</b>	<b>2</b>
<b>II - FEDERALNA MINISTARSTVA, FEDERALNE UPRAVE I FEDERALNE UPRAVNE ORGANIZACIJE</b>	<b>2</b>
1. Federalna ministarstva	2
2. Samostalne federalne uprave	10
3. Samostalne federalne upravne organizacije	11
<b>III - SJEDIŠTE FEDERALNIH MINISTARSTAVA, FEDERALNIH UPRAVA I FEDERALNIH UPRAVNIH ORGANIZACIJA</b>	<b>14</b>
<b>IV - RUKOVOĐENJE FEDERALNIM MINISTARSTVIMA, FEDERALNIM UPRAVAMA I FEDERALNIM UPRAVNIM ORGANIZACIJAMA I UNUTARNJA ORGANIZACIJA</b>	<b>14</b>
<b>V - PRIJELAZNE I ZAVRŠNE ODREDBE</b>	<b>14</b>

## I - OSNOVNE ODREDBE

### Član 1.

(1) Ovim zakonom osnivaju se federalna ministarstva, federalne uprave i federalne upravne organizacije, utvrđuje njihov djelokrug i uređuju druga pitanja od značaja za njihovu organizaciju i funkcioniranje.

### Član 2.

(1) Poslove uprave iz okvira nadležnosti Federacije Bosne i Hercegovine (u daljnjem tekstu: Federacija) vrše federalna ministarstva, federalne uprave i federalne upravne organizacije predviđene ovim zakonom.

(2) Sva ministarstva su dužna obavljati svoje poslove sukladno Ustavu Bosne i Hercegovine.

### Član 3.

(1) U federalnim ministarstvima, federalnim upravama i federalnim upravnim organizacijama konstitutivni narodi i grupa ostalih bit će proporcionalno zastupljeni, sukladno Amandmanu LII na Ustav Federacije.

## II - FEDERALNA MINISTARSTVA, FEDERALNE UPRAVE I FEDERALNE UPRAVNE ORGANIZACIJE

### 1. Federalna ministarstva

### Član 4.

(1) Federalna ministarstva su:

1. Federalno ministarstvo unutarnjih poslova - Federalno ministarstvo unutrašnjih poslova,
2. Federalno ministarstvo pravde,
3. Federalno ministarstvo financija - Federalno ministarstvo financija,
4. Federalno ministarstvo energije, rudarstva i industrije,
5. Federalno ministarstvo prometa i komunikacija,
6. Federalno ministarstvo rada i socijalne politike,
7. Federalno ministarstvo raseljenih osoba i izbjeglica,
8. Federalno ministarstvo za pitanja branitelja i invalida domovinskog rata - Federalno ministarstvo za pitanja boraca i invalida odbrambeno-oslobodilačkog rata,
9. Federalno ministarstvo zdravstva,
10. Federalno ministarstvo obrazovanja i nauke,
11. Federalno ministarstvo kulture i sporta,
12. Federalno ministarstvo trgovine,
13. Federalno ministarstvo prostornog uređenja,
14. Federalno ministarstvo poljoprivrede, vodoprivrede i šumarstva,
15. Federalno ministarstvo razvoja, poduzetništva i obrta,
16. Federalno ministarstvo okoliša i turizma.

### Član 5.

BRISAN

### Član 6.

(1) Federalno ministarstvo unutarnjih poslova - Federalno ministarstvo unutrašnjih poslova vrši upravne i druge stručne poslove koji se odnose na ostvarivanje nadležnosti Federacije u oblasti unutarnjih poslova, i to:

- zaštitu ustavnog poretka i sprečavanje nasilnog ugrožavanja tog poretka i sigurnosti Federacije;
- zaštitu života i osobne sigurnosti građana;

- sprečavanje i otkrivanje kaznenih djela terorizma, međukantonalnog kriminala, stavljanja u promet opojnih droga i organiziranog kriminala i pronalaženje i hvatanje počinitelja tih kaznenih djela i njihovo privođenje nadležnim organima;
- osiguranje određenih ličnosti i zgrada Federacije;
- kriminalističko-tehničko vještačenje;
- boravak i kretanje stranaca sukladno Zakonu o kretanju i boravku stranaca i azilu ("Službeni glasnik BiH", br. 29/03 i 4/04);
- federalno državljanstvo;
- putne isprave;
- osobno ime;
- matične knjige;
- protupožarnu zaštitu;
- promet, prijevoz i uskladištenje opasnih materija;
- sigurnost prometa na putevima;
- nabavljanje, držanje i nošenje oružja i streljiva;
- organiziranje, naoružanje, opremanje, osposobljavanje i usavršavanje policije;
- utvrđivanje i organiziranje funkcionalnih sustava veza ovoga ministarstva;
- školovanje, stručno osposobljavanje i usavršavanje kadrova za potrebe organa za unutarnje poslove;
- znanstveno-istraživačke poslove iz okvira djelatnosti policije; pružanje pomoći radi otklanjanja posljedica u slučaju opće opasnosti prouzrokovane elementarnim nepogodama i epidemijama;
- poslove u svezi s agencijama za zaštitu ljudi i imovine i vrši druge poslove utvrđene zakonom i ostvaruje odgovarajuću suradnju s organima unutarnjih poslova kantona i s drugim policijskim strukturama u Bosni i Hercegovini sukladno propisima Bosne i Hercegovine i Federacije.

**(2)** U sastavu Federalnog ministarstva unutarnjih poslova nalazi se Federalna uprava policije koja vrši operativne poslove policije iz mjerodavnosti Federalnog ministarstva unutarnjih poslova, utvrđene posebnim zakonom.

## **Član 7.**

**(1)** Federalno ministarstvo pravde vrši upravne, stručne i druge poslove utvrđene zakonom koji se odnose na:

- ostvarivanje nadležnosti Federacije u oblastima, a naročito pravosudnih institucija i uprave;
- upravnog nadzora nad radom pravosudne uprave i federalnih tijela uprave;
- pružanje pomoći u edukaciji sudaca i tužitelja;
- udruživanje u političke organizacije i udruge građana;
- oblast uredskog poslovanja;
- upravni nadzor i izvršenje kaznenih sankcija.

**(2)** Federalno ministarstvo pravde vrši upravne poslove koji ne spadaju u djelokrug drugog organa uprave Federacije. U sastavu Federalnog ministarstva pravde nalazi se Zavod za javnu upravu.

**(3)** Zavod za javnu upravu vrši stručne i druge poslove iz nadležnosti Federacije koji se odnose na:

- utvrđivanje unutarnje organizacije federalnih ministarstava i drugih tijela federalne uprave s ciljem unaprijeđenja njihovog rada i organizacije i osiguranja učinkovitog rukovođenja;
- uvođenje suvremenih tehničkih metoda i sredstava rada u organe i tijela uprave (informatičko-dokumentacioni sustav);
- uređivanje načina ostvarivanja prava i dužnosti službenika i namještenika iz radnih odnosa, plaća i drugih naknada u općim aktima ministarstva i drugih tijela federalne uprave, te suradnja sa nadležnim sindikatом u odnosu na rješavanje tih pitanja;
- organiziranje stručnog obrazovanja i usavršavanja službenika;

- izgradnja sustava lokalne samouprave; izbornog sustava, političko-teritorijalne organizacije Federacije i izrada odgovarajućih propisa u tim pitanjima;
- izdavanje publikacija iz oblasti prava;
- razvijanje suradnje sa odgovarajućim međunarodnim organizacijama sukladno Ustavu Bosne i Hercegovine, kao i lokalnim tijelima vlasti i njihovim udrugama u pitanjima iz svoje nadležnosti i druge poslove vezane za oblast javne uprave.

### **Član 8.**

**(1) Federalno ministarstvo financija** - Federalno ministarstvo financija vrši upravne, stručne i druge poslove utvrđene zakonom koji se odnose na ostvarivanje nadležnosti Federacije u oblasti financija, i to:

- porezni sustav i poreznu politiku;
- praćenje ostvarivanja politike i mjera u oblasti deviznog sistema sukladno Ustavu Bosne i Hercegovine i Zakonu o Centralnoj banci Bosne i Hercegovine ("Službeni glasnik BiH", broj 1/97), carina, uvoznih dažbina, kreditnog i bankarskog sustava;
- sustav financijskog poslovanja (papiri od vrijednosti i sanacija);
- obračunski sustav (računovodstvo, knjigovodstvo i bilanci);
- sustav osiguranja imovine i osoba;
- sustav taksa, doprinosa i drugih dažbina i igara na sreću;
- sustav financiranja javne potrošnje;
- izrada i izvršenje Proračuna Federacije i godišnje obračune Proračuna Federacije, nadzor nad izvršenjem Proračuna, proračunska inspekcija, trezorsko poslovanje;
- upravljanje novčanim tokovima;
- dnevno praćenje novčanih sredstava;
- obveze i potraživanja i utvrđivanje dinamike praćenja i planiranja osiguranja nedostajućih sredstava; koncentracija financijskih sredstava radi osiguranja financijskog tržišta; javni dug i njegovo servisiranje;
- kontrola ostvarivanja Proračuna Federacije i druge poslove utvrđene zakonom.

**(2)** U sastavu Federalnog ministarstva financija - Federalnog ministarstva financija su:

- Porezna uprava,
- Carinska uprava i
- Financijska policija.

**(3) Porezna uprava** vrši upravne i druge stručne poslove utvrđene zakonom. Carinska uprava vrši upravne i druge stručne poslove utvrđene zakonom. Financijska policija vrši upravne i druge stručne poslove utvrđene zakonom.

### **Član 9.**

**(1) Federalno ministarstvo energije, rudarstva i industrije** obavlja upravne, stručne i druge poslove utvrđene zakonom koji se odnose na ostvarivanje nadležnosti Federacije u oblastima energije, rudarstva, geoloških istraživanja i industrije, osim prehrambene industrije, praćenje privređivanja i ekonomskog položaja privrednih subjekata i koordiniranje i provedba projekata od značaja za Federaciju u oblastima za koje je nadležno; kreiranje energetske politike i geoloških istraživanja i druge poslove utvrđene zakonom.

**(2)** U sastavu Federalnog ministarstva energije, rudarstva i industrije je

1. Zavod za mjeriteljstvo i
2. Federalna direkcija za namjensku industriju.

**(3) Zavod za mjeriteljstvo** vrši stručne i organizacione poslove iz oblasti mjeriteljstva u Federaciji;

- donosi tehničke propise o verifikaciji mjerila;
- vrši ispitivanje i verifikaciju mjerila;
- osniva odgovarajuće centre za verifikaciju i nadzor mjerila;
- učestvuje u ostvarivanju, čuvanju, održavanju i uporabi etalona i referentnih materijala;
- obavlja etaloniranje i sljedivost etalona i referentnih materijala, vodi odgovarajuće registre na području Federacije;

- vrši mjeriteljski nadzor nad uporabom mjerila i označavanjem pakovanih proizvoda;
- vrši neposrednu kontrolu predmeta od plemenitih metala i njihovo žigosanje;
- surađuje sa odgovarajućim institucijama u Bosni i Hercegovini i obavlja i druge poslove iz oblasti mjeriteljstva koji nisu u nadležnosti institucija Bosne i Hercegovine.

**(4) Federalna direkcija za namjensku industriju** vrši stručne i druge poslove i s njima povezane upravne poslove iz nadležnosti Federacije koji se odnose na:

- planiranje, koordiniranje, istraživanje i razvoj, proizvodnju, remont, promet, ispitivanje, verifikaciju, kontrolu kvaliteta, standardizaciju i meteorologiju naoružanja i vojne opreme;
- praćenje stanja iz oblasti proizvodnje naoružanja i vojne opreme (NVO);
- sudjelovanje u pripremi zakona, drugih propisa i općih akata u ovoj oblasti;
- sudjelovanje u upravljanju poduzećima za proizvodnju NVO na teritoriju Federacije, neovisno o krajnjem korisniku;
- sudjelovanje u planiranju, ugovaranju, koordinaciji i kontroli u oblasti razvoja NVO;
- planiranje, odobravanje odnosno vršenje poslova u svezi s prometom i transportom sredstava NVO i poluproizvodima i sirovinama za proizvodnju NVO i u suradnji s ostalim nadležnim ministarstvima izdaje potrebnu prateću dokumentaciju;
- organiziranje i nadziranje sistema za osiguranje kvaliteta proizvođača sredstava NVO;
- definiranje politike i propisa vezanih za procedure i nadležnosti u poslovima mjeriteljstva u funkciji specifičnih potreba namjenske industrije Federacije;
- vršenje nadzora i uspostavljanje sistema sigurnosti i zaštite i razvoja proizvodnje, prometa i remonta NVO;
- organiziranje i realiziranje znanstveno-tehničke suradnje s drugima zemljama u poslovima vezanim za promet, razvoj, kontrolu kvalitete, standardizaciju i proizvodnju sredstava NVO.

## **Član 10.**

**(1) Federalno ministarstvo prometa i komunikacija** vrši upravne, stručne i druge poslove utvrđene zakonom koji se odnose na ostvarivanje nadležnosti Federacije u oblasti prometa i komunikacija, i to:

- cestovni promet i javne ceste, željeznički, zračni, pomorski, riječni i jezerski promet;
- cjevovodni promet;
- sigurnost cestovnog, željezničkog, zračnog, pomorskog, riječnog i jezerskog prometa;
- kontrolu letenja;
- telekomunikacije i poštu osim uspostave i funkcioniranja zajedničkih i međunarodnih komunikacijskih uređaja i vrši druge poslove utvrđene zakonom.

**(2) U sastavu Federalnog ministarstva prometa i komunikacija je**

- Federalna direkcija za civilno zrakoplovstvo -
- Federalna direkcija za civilnu avijaciju i
- Federalna direkcija za izgradnju, upravljanje i održavanje autocesta.

**(3) Federalna direkcija za civilno zrakoplovstvo - Federalna direkcija za civilnu avijaciju** obavlja stručne i druge poslove iz nadležnosti Federacije koji se odnose na:

- planiranje, koordinaciju i razvoj, standardizaciju i održavanje kapaciteta objekata u zračnim lukama i opreme, opreme kontrole leta i zrakoplovnih sredstava, obavljanje koordinacije zračnih prijevoznika, strategiju civilnog zrakoplovstva, aeronautičku inspekciju, dozvole za letenje, rukovođenje i statistiku zračnih luka, sigurnost letenja, aeronavigaciju, spasilačku službu, prijem i predaju poruka, te obuku i razvoj kadrova kroz odgovarajuće institucije i poduzeća iz oblasti zračnog prometa.

Federalna direkcija za izgradnju, upravljanje i održavanje autocesta vrši stručne i druge poslove iz nadležnosti Federacije koji se odnose na:

- financijski inženjering, pripremu, organizaciju i vođenje izgradnje cesta visoke razine služnosti (autocesta, polu autocesta i brzih cesta);
- koordinaciju i provedbu preuzetih obveza u definiranju i izgradnji cestovnog koridora (Vc i drugih koridora);
- pripremu dugoročnog i srednjoročnog plana razvoja autocesta u Federaciji;

- izradu projektnih zadataka za izgradnju autocesta u Federaciji;
- pripremu investicijsko-tehničke dokumentacije;
- pripremu, definiranje i izradu tenderske dokumentacije;
- pripremu uvjeta za izgradnju autocesta;
- izradu planova i mjera za prometnu sigurnost izgradnje autocesta;
- praćenje izvršenja građevinskih poslova sukladno dinamičkim planovima i vrši i druge poslove u svezi s izgradnjom autocesta, a koji se naročito odnose na: pripremu projektne dokumentacije (tehničke provjere različitih varijanti prostiranja trase u prostoru i usklađivanje među ministarstvima, općinama i vlasnicima objekata i zemljišta, izrada studija i idejnih projekata, priprema lokacijskih crteža i sl.);
- pribavljanje lokacijskih dozvola, građevinskih dozvola i upotrebnih dozvola za ceste visoke razine služnosti i cestovne objekte;
- otkup zemljišta i objekata;
- plaćanje odšteta i drugih troškova u svezi pripreme gradnje;
- organiziranje financiranja izgradnje cesta visoke razine služnosti (kontakti s međunarodnim financijskim institucijama, priprema podloge za pripremu i dodjelu koncesije i dr.);
- pripremu dokumenata ponude i ustupanje radova izgradnje cesta visoke razine služnosti i cestovnih objekata;
- organizaciju stručnog nadzora i kontrolu izgradnje;
- organizaciju tehničkog pregleda i primopredaje cesta visoke razine služnosti te dijelova ovih cesta na korištenje i održavanje.

#### **Član 11.**

**(1)** Federalno ministarstvo rada i socijalne politike vrši upravne, stručne i druge poslove utvrđene u zakonu koji se odnose na nadležnosti Federacije u oblasti:

- socijalne politike, rada, mirovinskog i invalidskog osiguranja, i to: politiku rada i zapošljavanja, radne odnose i prava iz radnog odnosa, zaštitu na radu;
- mirovinsko invalidsko osiguranje;
- međunarodne konvencije sukladno Ustavu Bosne i Hercegovine, ugovori i bilateralni sporazumi iz oblasti rada i zapošljavanja;
- socijalnu sigurnost i solidarnost, zaštitu civilnih žrtava rata;
- zaštitu obitelji, usvojenje i starateljstvo;
- socijalnu zaštitu i druge poslove utvrđene zakonom.

#### **Član 12.**

**(1)** Federalno ministarstvo raseljenih osoba i izbjeglica vrši upravne, stručne i druge poslove iz nadležnosti Federacije koji se odnose na:

- prikupljanje i obradu podataka o izbjeglicama i raseljenim osobama,
- koordiniranje aktivnosti rekonstrukcije zajedno sa registriranjem i nadzorom nevladinih organizacija,
- stvaranje uvjeta za povratak raseljenih osoba u njihova mjesta stanovanja, uključujući izgradnju, rekonstrukciju, sanaciju i popravku kuća i drugih stambenih objekata za potrebe smještaja izbjeglica i raseljenih osoba,
- održavanje regionalnih centara za pomoć u obavljanju ovih aktivnosti i druge poslove utvrđene zakonom.

#### **Član 13.**

**(1)** Federalno ministarstvo za pitanja branitelja i invalida domovinskog rata - Federalno ministarstvo za pitanja boraca i invalida odbrambeno-oslobodilačkog rata vrši upravne, stručne i druge poslove utvrđene zakonom koji se odnosi na:

- utvrđivanje jedinstvene politike i pripremanje sustavnih propisa kojim se reguliraju osnovna socijalno-statusna pitanja vojnih invalida, obitelji poginulih boraca i nezaposlenih boraca i boraca drugih oslobodilačkih ratova i učesnika oslobodilačkih

pokreta i zaštitu ratnih i mirnodopskih vojnih invalida, zaštitu članova obitelji poginulih, nestalih i umrlih boraca, kao i umrlih ratnih i umrlih vojnih invalida;

- upravni i finansijski nadzor izvršavanja zakona i drugih propisa iz oblasti boračko invalidske zaštite sukladno Ustavu i zakonu;
- daje mišljenja na propise koje pripremaju drugi organi, a odnose se na socijalno-statusna prava ovih kategorija;
- osiguravanje sredstava za financiranje prava propisanih federalnim zakonima i drugim federalnim propisima;
- utvrđuje načine isplate i usklađivanje mjesečnih novčanih primanja;
- izgradnju, uređenje i održavanje spomen-obilježja, groblja boraca i stratišta nevinih žrtava;
- kontrolu namjenskog trošenja sredstava i vođenje propisanih evidencija iz nadležnosti ovog ministarstva.

**(2)** Borcima, ratnim invalidima i mirnodopskim vojnim invalidima iz stavka 1. ovog članka podrazumijevaju se dosadašnji pripadnici Armije Republike Bosne i Hercegovine, pripadnici HVO i policije, kao i borci NOR-a od 1941. do 1945. godine.

**(3)** Pod mirnodopskim invalidima podrazumijevaju se vojni invalidi koji su taj status stekli prilikom služenja obveznog vojnog roka u miru.

#### **Član 14.**

**(1)** Federalno ministarstvo zdravstva vrši upravne, stručne i druge poslove koji se odnose na ostvarivanje nadležnosti Federacije u oblasti zdravstva, a naročito poslove koji se odnose na:

- provođenje politike i strategije zdravstva u cjelini;
- razvoj i unapređenje sustava zdravstvene zaštite i zdravstvenog osiguranja;
- praćenje i provođenje federalnih zakona u oblasti zdravstva;
- izrada programa razvoja zdravstvene djelatnosti, te donošenje planova i programa mjera zdravstvene zaštite;
- međuentitetska i međukantonalna suradnja u oblasti zdravstva;
- koordiniranje i provedba projekata u oblasti zdravstva od značaja za Federaciju u suradnji sa međunarodnim vladinim i nevladinim organizacijama sukladno Ustavu Bosne i Hercegovine, a s ciljem rekonstruiranja i obnove zdravstvenog sustava;
- učestvovanje u provedbi informatičkih projekata u oblasti zdravstva;
- osiguranje dostupnosti djelotvornim, sigurnim, kvalitetnim i ekonomičnim lijekovima i sprečavanje njihove zlouporabe i druge poslove utvrđene zakonom.

**(2)** U sastavu Federalnog ministarstva zdravstva je:

- Federalna uprava za zaštitu od zračenja i radijacijsku sigurnost.

**(3)** Federalna uprava za zaštitu od zračenja i radijacijsku sigurnost obavlja, stručne i upravne poslove iz oblasti zaštite od zračenja i radijacione sigurnosti utvrđene odgovarajućim federalnim zakonom.

#### **Član 15.**

**(1)** Federalno ministarstvo obrazovanja i nauke obavlja upravne, stručne i druge poslove utvrđene zakonom koji se odnose na koordiniranje planiranja i aktivnosti u oblasti:

- predškolskog, osnovnog i srednjeg i visokog obrazovanja i odgoja;
- pedagoških standarda i normativa prostora,
- opreme i nastavnih sredstava predškolskog, osnovnog, srednjeg i visokog obrazovanja i odgoja;
- nostrifikacije i ekvivalencije inozemnih školskih svjedodžbi i diploma;
- stručnog obrazovanja i usavršavanja nastavnog osoblja;
- udžbenika za osnovno i srednje obrazovanje;
- implementacije bolonjskog procesa;
- naučno-istraživačkog rada na unapređenju odgojno-obrazovnog rada;
- đučkog i studentskog standarda;
- razvoj naučno-istraživačke djelatnosti;

- koordiniranje naučno-istraživačkih i istraživačko-razvojnih aktivnosti;
- razvoj naučno-istraživačkih organizacija;
- podsticanje temeljnih primijenjenih istraživanja;
- razvoj investicijskih tehnologija i kadrova u naučno-istraživačkoj djelatnosti;
- praćenje inovacija, razvoja i unapređenja tehnologija;
- koordiniranje u ostvarivanju prava mladih u oblasti obrazovanja i nauke i druge poslove utvrđene zakonom.

## **Član 16.**

**(1)** Federalno ministarstvo kulture i sporta - Federalno ministarstvo kulture i sporta obavlja upravne, stručne i druge poslove iz nadležnosti Federacije, koji se odnose na:

- koordinaciju u naučno-istraživačkoj djelatnosti iz oblasti zaštite i korištenja kulturno-historijskog naslijeđa;
- muzejskoj, arhivarskoj, bibliotekarskoj, izdavačkoj, pozorišnoj, likovnoj i filmskoj djelatnosti,
- djelatnosti ustanova, udruženja, fondacija i drugih pravnih lica u oblasti umjetnosti, kulture, sporta i mladih,
- unapređivanju djelatnosti iz oblasti kulture, sporta i mladih kao i druge poslove utvrđene zakonom.

**(2)** U sastavu ministarstva kulture i sporta - Federalno ministarstvo kulture i športa nalazi se:

**1.** Zavod za zaštitu spomenika.

**(3)** Zavod za zaštitu spomenika obavlja:

- stručne i druge poslovne koji pretežno zahtijevaju primjenu stručnih, naučnih i kreativnih metoda rada i s njima povezanih upravnih poslova u oblasti zaštite i korištenja kulturno-historijskog naslijeđa,
- istražuje, proučava, dokumentira i obrađuje prikupljene podatke,
- valorizira i štiti evidentirane objekte kulturno-historijskog naslijeđa,
- izrađuje sve propisane i standardizirane programe zaštite i korištenja objekata kulturno-historijskog naslijeđa,
- utvrđuje mjere i uvijete za buduću namjenu, korištenje i upravljanje objektima kulturno-historijskog naslijeđa,
- priprema programe sanacije, konzervacije, restauracije, rekonstrukcije i rehabilitacije objekata kulturno-historijskog naslijeđa,
- vrši nadzor nad realizacijom programa i projekata zaštite i korištenja objekata kulturno-historijskog naslijeđa,
- daje mišljenje na programe i projekte zaštite i korištenja objekata kulturno-historijskog naslijeđa izrađene od drugih fizičkih i pravnih lica,
- učestvuje u izradi zakona i drugih propisa u vezi sa zaštitom i korištenjem kulturno-historijskog naslijeđa,
- obavlja i druge poslove iz oblasti zaštite i korištenja kulturno-historijskog naslijeđa utvrđene zakonom i drugim propisima.

## **Član 17.**

**(1)** Federalno ministarstvo trgovine vrši upravne, stručne i druge poslove iz nadležnosti Federacije koji se odnose na:

- trgovinu;
- funkcioniranje jedinstvenog tržišta;
- utjecaj gospodarskog sustava i gospodarske politike na tržište roba i usluga;
- odnose ponude i potražnje, cijene roba i usluga;
- zaštitu potrošača i druge poslove utvrđene zakonom.



**Član 18.**

**(1)** Federalno ministarstvo prostornog uređenja vrši upravne, stručne i druge poslove iz nadležnosti Federacije koji se odnose na:

- planiranje i uređenje prostora;
- politiku uporabe zemljišta na federalnoj razini;
- izradu, provođenje i primjenu prostornog plana Federacije;
- usklađenost prostornih planova kantona sa prostornim planom Federacije;
- usmjeravanje dugoročnog razvoja uporabe prirodnih resursa;
- geološka istraživanja;
- izradu osnovnih karata geofizičkih, seizmoloških, geotermičkih, minerogenetskih, geokemijskih, geomorfoloških i drugih karata;
- izradu geoloških podloga za prostorno uređenje;
- nadzor nad odgovarajućim ustanovama iz sektora i druge poslove utvrđene zakonom.

**Član 19.**

**(1)** Federalno ministarstvo poljoprivrede, vodoprivrede i šumarstva vrši upravne, stručne i druge poslove iz nadležnosti Federacije koji se odnose na:

- zaštitu i uporabu poljoprivrednog zemljišta;
- zaštitu poljoprivrednog bilja i proizvoda od uzročnika bolesti, štetočina i korova;
- proizvodnju i promet sjemena i sadnog materijala, proizvodnju i unapređenje stočarstva;
- zdravstvenu zaštitu životinja;
- prehrambenu industriju;
- kontrolu zdravstvene ispravnosti sirovog mesa, ribe, mlijeka i jaja, te stočne hrane;
- unaprjeđenje proizvodnje u šumarstvu, uzgoj, zaštitu, uređivanje i unapređivanje šuma, stanje drvnog fonda, eksploataciju šuma;
- pošumljivanje degradiranih i izdanačkih šuma, goleti i krša;
- lovstvo i lovnu prirodu;
- vodene izvore, planove, osnovne i bilance voda;
- zahvaćanje i korištenje voda;
- osiguranje voda za potrebe vodo snabdijevanja stanovništva i industrije i druge poslove utvrđene zakonom.

U sastavu Federalnog ministarstva poljoprivrede, vodoprivrede i šumarstva nalaze se

- Federalna uprava za šumarstvo i
- Federalni zavod za zaštitu bilja u poljoprivredi.

**Član 20.**

**(1)** Federalno ministarstvo razvoja, poduzetništva i obrta vrši upravne, stručne i druge poslove iz nadležnosti Federacije koji se odnose na:

- podsticanje razvoja, poduzetništva i obrta;
- davanje potpore za primjenu inovacija i uvođenje suvremenih tehnologija u oblasti poduzetništva i obrta;
- povećanje udjela poduzetništva i obrta u ukupnoj privredi;
- organiziranje institucija za poduzetništvo i stvaranje poduzetničke infrastrukture, osposobljavanje poduzetnika i obrtnika kroz redovno i dopunsko obrazovanje i druge poslove utvrđene zakonom.

**Član 20a.**

**(1)** Federalno ministarstvo okoliša i turizma vrši upravne, stručne i druge poslove iz nadležnosti Federacije koji se odnose na:

- ekološku zaštitu zraka, vode i zemlje;
- izradu strategije i politike zaštite okoliša;
- standarde kvaliteta zraka, vode i zemlje;
- ekološko praćenje i kontrolu zraka, vode i zemlje;
- izradu strategije i politike razvoja turizma i ugostiteljstva;

- praćenje turističkih tokova na domaćim i stranim tržištima;
- usmjeravanje dugoročnog razvoja turizma u okviru cjelovitog gospodarskog sustava i druge poslove utvrđene zakonom.

## **2. Samostalne federalne uprave**

### **Član 21.**

**(1)** Samostalne federalne uprave su:

1. Federalna uprava civilne zaštite,
2. Federalna uprava za geodetske i imovinsko-pravne poslove i
3. Federalna uprava za inspekcijske poslove.

### **Član 22.**

**(1)** Federalna uprava civilne zaštite vrši upravne, stručne i druge poslove utvrđene zakonom, a koji se odnose na:

- organiziranje, pripremanje i funkcioniranje civilne zaštite i službe osmatranja i izvješćivanja, razradu plana uporabe i djelovanja civilne zaštite, praćenje stanja priprema civilne zaštite uz predlaganje i poduzimanje mjera na unapređenju organiziranja i osposobljavanja civilne zaštite;
- izdavanje naredbi za uporabu jedinica, službi, stožera i povjerenika civilne zaštite na provođenju mjera zaštite i spašavanja;
- organiziranje i praćenje realiziranja obuke građana na provođenju samozaštite, organiziranje i koordiniranje provođenja mjera zaštite i spašavanja;
- donošenje plana okvirnih, osobnih i materijalnih formacija stožera, jedinica i službi zaštite i spašavanja uz predlaganje i poduzimanje mjera na njihovoj popuni ljudstvom i materijalnim sredstvima, donošenje nastavnih planova i programa obuke struktura civilne zaštite;
- predlaganje programa zajedničkih samostalnih vježbi i izradu elaborata za izvođenje vježbi civilne zaštite;
- sve poslove prikupljanja podataka o minama i drugim neeksplozivnim ubojnim sredstvima (NUS-a) na teritoriju Federacije sa održavanjem baze podataka o tome;
- izvođenje stručne obuke osoba za rad sa NUS-a;
- ugovaranje radova, nadzor nad izvođenjem i provjerom kvaliteta i prijem radova uklanjanja i uništavanja NUS-a, te neposredno uklanjanje i uništavanje pronađenog NUS-a (realiziranje na poziv preko timova na žurne intervencije);
- pripremu propisa u oblasti civilne zaštite, međunarodnu suradnju po pitanjima iz oblasti civilne zaštite;
- predlaganje planova naučnoistraživačkih projekata iz oblasti civilne zaštite i praćenje njihovog realiziranja, inspekcijski nadzor iz oblasti civilne zaštite;
- vođenje propisanih evidencija i vršenje drugih poslova iz ove oblasti, utvrđene odgovarajućim federalnim zakonom.

### **Član 23.**

**(1)** Federalna uprava za geodetske i imovinsko-pravne poslove vrši upravne i druge stručne poslove iz nadležnosti Federacije koji se odnose na:

- premjer, uspostavu i obnovu katastra nekretnina;
- katastar komunalnih uređaja osim poslova koji su zakonom dati u nadležnost kantona i općina;
- kartografiranje teritorija Federacije;
- vođenje tehničke arhive originala planova i karata osnovnih geodetskih radova i drugih podataka dobivenih vršenjem geodetskih radova;
- komasaciju zemljišta i premjeravanje zemljišta za posebne potrebe;
- vlasničko-pravne i druge stvarno-pravne odnose na nekretninama;
- pravni režim državne svojine na nekretninama i pravima na nekretnine;

- imovinsko-pravne poslove u svezi s nekretninama na kojima Federacija ima pravo vlasništva;
- evidenciju na nekretninama i davanje prijedloga za reprivatizaciju imovine i inspekcijski nadzor nad poslovima premjera i katastra nekretnina, katastra zemljišta i katastra komunalnih uređaja.

### **Član 23.a.**

**(1)** Federalna uprava za inspekcijske poslove vrši poslove iz mjerodavnosti federalnih inspekcija kojim su prema posebnom zakonu organizirane u sastavu te uprave i vrši druge upravne i stručne poslove utvrđene posebnim zakonom.

## **3. Samostalne federalne upravne organizacije**

### **Član 24.**

**(1)** Samostalne federalne upravne organizacije su:

1. Federalni zavod za statistiku,
2. Federalni hidrometeorološki zavod,
3. Arhiv Federacije,
4. Federalni zavod za programiranje razvoja i
5. Federalna direkcija robnih rezervi.
6. Federalni zavod za agropedologiju,
7. Federalni zavod za poljoprivredu Sarajevo,
8. Federalni agromediteranski zavod Mostar,
9. Federalni zavod za geologiju.

**(2)** Upravne organizacije iz stavka 1. ovoga članka imaju svojstvo pravne osobe, ako posebnim zakonom nije drukčije određeno.

### **Član 25.**

**(1)** Federalni zavod za statistiku vrši stručne i druge poslove iz nadležnosti Federacije koji se odnose na statistička istraživanja u Federaciji, a naročito na:

- utvrđivanje jedinstvene metodologije statističkih istraživanja, jedinstvene statističke standarde, razvijanje statističkog informatičkog sustava kao dijela jedinstvenog sustava informiranja;
- uvođenje i vođenje administrativnih i statističkih registara (prostornih jedinica, stanovništva, poduzeća, samostalnih radnji i dr.), evidencije propisane zakonom, razmjenjivanje statističkih podataka sa drugim državama i međunarodnim organizacijama proisteklih iz obveza utvrđenih međunarodnim ugovorima i sukladno zakonu na državnoj razini kojim se uređuje ovo pitanje.

### **Član 26.**

**(1)** Federalni hidrometeorološki zavod vrši stručne i druge poslove iz nadležnosti Federacije koji se odnose na:

- razvoj i funkcioniranje meteorološke, hidrološke i seizmološke djelatnosti i kvaliteta životne sredine;
- istraživanje atmosfere, vodenih resursa, kvaliteta životne sredine (zraka, vode i tla) i seizmoloških procesa;
- prikupljanje, obrađivanje i objavljivanje podataka iz djelokruga od interesa za Federaciju i vršenje drugih poslova u oblasti meteorologije, hidrologije, kvaliteta životne sredine i seizmologije.

**Član 27.**

- (1) Arhiv Federacije** vrši stručne i druge poslove iz nadležnosti Federacije koji se odnose na:
- evidentiranje, preuzimanje, sređivanje, obradu, zaštitu i uporabu ukupne arhivske građe i registarskog materijala;
  - razvoj arhivske djelatnosti u Federaciji;
  - mjere osiguranja i zaštite arhivske građe;
  - stručni nadzor nad zaštitom registarskog materijala i arhivske građe i odabir arhivske građe iz registarskog materijala;
  - izdavanje uvjerenja, potvrda i drugih zvaničnih isprava o činjenicama i dokazima koji se nalaze u građi koju čuva;
  - stručno usavršavanje radnika arhivske službe i naučnoistraživački, publicistički rad u arhivskoj djelatnosti i međunarodnu arhivsku suradnju.

**Član 28.**

- (1) Federalni zavod za programiranje razvoja** vrši istraživačke, stručno-analitičke i druge poslove iz nadležnosti Federacije koji se odnose na:
- programiranje razvoja, analizu čimbenika i mogućnosti gospodarskog razvoja i njihovo prezentiranje na domaćem i inozemnom tržištu;
  - kreiranje strategije i programa razvoja i izradu mjera razvojne i gospodarske politike;
  - analizu i programiranje unapređivanja strukturnih odnosa u privrednom i društvenom razvoju (sektorsko, vlasničko, organizacijsko i drugi oblici strukturnih odnosa);
  - programiranje uporabe, valorizacije i zaštite prirodnih resursa i mjera za njihovo ostvarivanje, izradu makroekonomskih bilanca, proporcija i globalnih agregata rasta;
  - izradu materijalnih bilanci zemlje;
  - analiziranje odnosa u oblasti raspodjele, koncipiranje programa naučnoistraživačkog rada od značaja za privredni razvoj i gospodarsku politiku;
  - programiranje razvoja društvenih djelatnosti sukladno strategiji privrednog razvoja;
  - regionalni razvoj i sustav njegovog podsticaja i suradnju sa institucijama koje se bave pitanjem razvoja u zemlji i inozemstvu.

**Član 29.**

- (1) Federalna direkcija robnih rezervi** vrši stručne i druge poslove koji se odnose na nabavku, razmještaj, zadržavanje, čuvanje i uporabu robnih rezervi Federacije;
- provođenje mjera radi intervencija na tržištu, balansiranje roba za potrebe rezervi Federacije i suradnju sa organima za robne rezerve u kantonima, općinama i poduzećima.

**Član 29a.**

- (1) Federalni zavod za agropedologiju** vrši stručne i druge poslove iz nadležnosti Federacije koji se odnose na:
- kartiranje i utvrđivanje bonitetne vrijednosti poljoprivrednog zemljišta;
  - kontrolu plodnosti poljoprivrednog zemljišta;
  - uređenje poljoprivrednog zemljišta;
  - praćenje kontaminiranosti poljoprivrednog zemljišta polutantima (teškim kovinama);
  - re-jonizaciju poljoprivrednog zemljišta i njegovo racionalno korištenje;
  - monitoring (praćenje stanja poljoprivrednog zemljišta i promjena u i na tlu);
  - uspostavljanje zemljišnog informacijskog sustava (ZIS) poljoprivrednog zemljišta i vođenje evidencije o poljoprivrednom zemljištu;
  - davanje uputstava za upravljanje i gospodarenje poljoprivrednim zemljišnim resursima;
  - davanje suglasnosti uporabe poljoprivrednog zemljišta kao i izdavanje mišljenja, atesta i sertifikata za uporabu i korištenje poljoprivrednog zemljišta;
  - sudjelovanje i davanje stručnog mišljenja na propise koje pripremaju druga tijela, a odnose se na poljoprivredno zemljište, te druge poslove i zadatke propisane Zakonom o poljoprivrednom zemljištu ("Službene novine Federacije BiH", broj 2/98) koji se odnose na stručne institucije iz područja poljoprivrede.

**Član 29b.**

**(1)** Federalni zavod za poljoprivredu Sarajevo vrši stručne i druge poslove iz nadležnosti Federacije koji se odnose na:

- organizaciju izvještajno-prognoznih službi u zaštiti bilja;
- uzgojno-seleksijski rad u stočarstvu;
- certificiranje sjemena i sadnog materijala poljoprivrednog bilja;
- ispitivanje životnih namirnica;
- kontrolu kvantiteta i kvalitete poljoprivrednih proizvoda i njihovih prerađevina, mineralnih đubriva i sredstava za zaštitu bilja;
- poslove iz oblasti kontinentalnog voćarstva, duhanske proizvodnje; educiranje farmjera i brigu o zemljištu kao osnovnom prirodnom resursu na području kontinentalne klimatske regije, kao i druge biljne i stočarske proizvodnje koje su karakteristične za ovu regiju.

**Član 29c.**

**(1)** Federalni agromediteranski zavod Mostar vrši stručne i druge poslove iz nadležnosti Federacije koji se odnose na: organizaciju izvještajno-prognoznih službi u zaštiti bilja;

- uzgojno-seleksijski rad u stočarstvu;
- certificiranje sjemena i sadnog materijala poljoprivrednog bilja;
- ispitivanje životnih namirnica; kontrolu kvantiteta i kvalitete poljoprivrednih proizvoda i njihovih prerađevina, mineralnih đubriva i sredstava za zaštitu bilja;
- poslove iz oblasti vinogradarstva i vinarstva, duhanske proizvodnje, mediteranskog voćarstva;
- educiranje farmjera i brigu o zemljištu kao osnovnom prirodnom resursu na području mediteranske klimatske regije, kao i druge biljne i stočarske proizvodnje koje su karakteristične za ovu regiju.

**Član 29d.**

**(1)** Federalni zavod za geologiju vrši istraživačke, stručno-analitičke i druge poslove iz oblasti fundamentalnih i regionalnih geoloških istraživanja od interesa za Federaciju koji se odnose na:

- izradu osnovnih geoloških, hidro geoloških, inženjersko-geoloških, seizmo-tektonskih i drugih geoloških karata i vrši pripremu za njihovo tiskanje;
- vrši znanstveno utvrđivanje zakonomjernosti koncentracije i razmještaja prirodnih mineralnih resursa u zemljinoj kori;
- priprema geološke podloge za prostorno planiranje, podloge za izvođenje građevinskih, rudarskih i drugih aktivnosti, podloge za razvoj šumarstva, poljoprivrede, vodo-snabdijevanja, te razvoj urbanizacije i infrastrukturnih objekata;
- vrši izradu federalnog programa upravljanja mineralnim sirovinama;
- uspostavlja kontakte s međunarodnim geološkim institucijama kroz razmjenu egzaktnih podataka o geološkom sklopu i strukturi zemljine kore, priprema i organizira zajedničke istraživačke projekte, priprema podatke za međunarodni geološki informacijski sustav;
- utvrđuje i predlaže Vladi Federacije strateške mineralne sirovine s prijedlogom mjera za njihovo korištenje i predlaže politiku geoloških istraživanja na prostoru Federacije;
- vrši izradu metodskih uputstava, standarda i normativa u oblasti geoloških istraživanja;
- formira i vodi fond stručne dokumentacije o geološkim istraživanjima na području Federacije;
- kreira i razvija jedinstven geološki informacijski sustav i pruža informacije i podatke u okviru općeg geo-informacijskog sustava korisnicima rezultata geoloških istraživanja.

### III - SJEDIŠTE FEDERALNIH MINISTARSTAVA, FEDERALNIH UPRAVA I FEDERALNIH UPRAVNIH ORGANIZACIJA

#### Član 30.

(1) Sjedište federalnih ministarstava, federalnih uprava i federalnih upravnih organizacija je u Sarajevu. Izuzetno od odredaba prethodnog stavka, sljedeća federalna ministarstva i federalne upravne organizacije imaju sjedište u Mostaru:

- Federalno ministarstvo trgovine,
- Federalno ministarstvo prometa i komunikacija,
- Federalno ministarstvo energije, rudarstva i industrije,
- Federalno ministarstvo obrazovanja i nauke,
- Federalni agromediteranski zavod Mostar
- Federalno ministarstvo razvoja, poduzetništva i obrta.

(2) Vlada može odlučiti da druga ministarstva, odnosno druga tijela federalne uprave mogu imati sjedište van Sarajeva.

### IV - RUKOVOĐENJE FEDERALNIM MINISTARSTVIMA, FEDERALNIM UPRAVAMA I FEDERALNIM UPRAVNIM ORGANIZACIJAMA I UNUTARNJA ORGANIZACIJA

#### Član 31.

(1) Rukovođenje federalnim ministarstvima, federalnim upravama i federalnim upravnim organizacijama vrši se na način predviđen Zakonom o organizaciji organa uprave u Federaciji Bosne i Hercegovine ("Službene novine Federacije BiH", broj 35/05).

#### Član 32.

(1) Unutarnja organizacija federalnih ministarstava, federalnih uprava i federalnih upravnih organizacija utvrđuje se pravilnikom o unutarnjoj organizaciji. Pravilnik o unutarnjoj organizaciji izrađuje se i donosi na način predviđen zakonom iz članka 31. ovoga Zakona i propisima koji se odnose na izradu i donošenje tih pravilnika.

### V - PRIJELAZNE I ZAVRŠNE ODREDBE

#### Član 33.

(1) Danom stupanja na snagu ovog zakona prestaje da važi Zakon o federalnim ministarstvima i drugim tijelima federalne uprave ("Službene novine Federacije BiH", br. 8/95, 2/96, 9/96 i 48/99).

#### Član 33.a.

(1) Ovlašćuje se Zakonodavstvo-pravno povjerenstvo Zastupničkog doma Parlamenta Federacije Bosne i Hercegovine i Zakonodavno-pravno povjerenstvo Doma naroda Parlamenta Federacije Bosne i Hercegovine da utvrde pročišćeni tekst ovoga Zakona.

#### Član 34.

(1) Ovaj zakon stupa na snagu narednog dana od dana objave u "Službenim novinama Federacije BiH".

\* "Službene novine Federacije BiH", br. 58/02,19/03, 38/05, 2/06, 8/06, 61/06.2